

“মৃত্যুর সময় মানবের চিন্তা”

ছিঁড়িব আজিকে সংসার বাঁধন

ফুরাব সকল হাসন কান্দন

কে গো দিবে আজ আমার বেদন

থামায়ে ?

ষত সুখ দুখ স্বকৃতি দুষ্কৃতি

সুদূর অতীতে সে নীরব গীতি

ভাসিছে, যেন গো স্বপনের স্মৃতি

নামায়ে ।

ধন জন মান সকল ফেলিয়া,

আত্মীয় স্বজনে কেমনে ছাড়িয়া,

বিজনের পথে আঁখিটা মুদিয়া

যাব গো !

বিভূ গুণ-গান এমন সময়,

করি যদি আর তাহে পূণ্য হয়,

জীবনে মরণে নাহি কোন ভয়

পাব গো !

হরি হরি মুখে বলি বারে বার,

তবুও টুটে না হৃদয় আঁধার

বিষাদ যাতনা অন্তরে আবার

দাঁহিছে,

বলিতে যে কণ্ঠ হয়ে আসে ক্ষীণ ;

শ্রীহরি চরণে আরো দুটি দিন

ভিখারী অনাথ এই দীন হীন

মাগিছে ।

শ্রীরবীন্দ্র নাথ দত্ত

প্রথম বার্ষিক প্রোগ্রাম

বিজ্ঞান বিভাগ

‘বি’ শাখা ।

— — —